



O portavoz da formación Unión Centrista de Nigrán (UCN), Antonio Fernández, pide revogar o acordo plenario de data 29/10/2008, polo que se acordou ceder ao SERGAS unha parcela de 4.395 m2 nas Dunas de Gaifar-PANXON, para a construción dun novo ambulatorio en PANXON. Sinala que a cesión estaba condicionada expresamente a que as obras deberían dar comezo no prazo máximo dun ano e estar finalizadas antes de transcorrer tres, desde o citado acordo. Prazo que foi posteriormente actualizado, mediante novo acordo plenario do 30/3/2011, que unha vez superados máis de 60 meses o prazo inicialmente fixado para o inicio das obras, e que deberían estar finalizadas o pasado mes de marzo, malia que aínda non dispón da correspondente licenza urbanística.

UCN reitera os incumprimentos, tendo en conta ademais que a día de hoxe,” *aínda non se dispón da correspondente licenza municipal de construción, e o que é peor, tampouco se presentou o novo proxecto técnico, onde se suscita un recorte sobre o proxecto inicial, que nin tan sequera se contemplaban prazas de aparcamento, nin en superficie nin subterráneas* ”.

Lembran que nunha visita da xerente do Sergas, anunciou que estaría en funcionamento no primeiro semestre de 2015, “*o que vén confirmar o grave incumprimento dos prazos fixados polo pleno da Corporación, que condicionaba a cesión gratuíta da parcela para a construción do ambulatorio, vulnerando gravemente as condicións impostas* ”.

UCN pide revogar a cesión ao SERGAS da parcela para construción do ambulatorio en Panxón.

Escrito por Redaccion @valminorinfo
Martes, 08 Xullo 2014 21:20

UCN volve insistir na necesidade de retomar a súa proposta inicial, de realizar as obras do novo ambulatorio no seu actual emprazamento, utilizando as posibilidades urbanísticas que permite a parcela en que se empraza o vello edificio. A medida, opinan, evitaría así *“dilapidar o patrimonio municipal, máxime agora que se pretende reducir considerablemente o proxecto inicial, polo que tería encaixe máis que suficiente na parcela actual, onde se sitúa o vello ambulatorio”*

.

“Non estamos en contra de que se constrúa un ambulatorio en Panxón, pero si no seu actual emprazamento, como defendemos sempre e que o tempo cada vez máis, dános a razón. Non apoiamos ceder nin dilapidar patrimonio municipal, porque entendemos que é un despilfarro, cando hai solucións alternativas, e sobre todo, cando está infrautilizado o ambulatorio da Xunqueira ”, sinalan.